

部
則
例



戶部則例

錢法

一京局鼓鑄順治元年置戶部寶泉局



十座鑄順治通寶錢一面鑄寶泉二字用清文

一面鑄年號用漢文頒行天下每文重一錢以

紅銅七成白鉛三成配搭鼓鑄每銅百斤準耗

十有二斤支給匠工物料等項錢二千六百九

十五文京局每年額鑄錢三十卯

以萬二千八百八十串為

一卯遇閏加鑄三卯○二年題準鑄錢每文重一

錢二分○八年議準鑄錢改重一錢二分五釐

不得輕重違式○十年題準鑄造制錢務令精工背鑄漢文丁釐兩字戶部增一漢文戶字鑄不合式者叅究○十一年定舊錢壅滯改鑄錢每文重二錢一分五釐○十四年題準寶泉局鑄錢改重一錢四分○十八年題準鑄康熙通寶制錢頒行天下○康熙二十三年議準鼓鑄制錢每文重一錢每年額鑄錢四十卯○四十年覆準制錢仍照順治十四年錢式重一錢四分每銅百斤準耗九斤支給匠工物料等項錢千九百七十四文務令分兩準足精工鼓鑄

○六十一年題準鑄雍正通寶制錢頒行天下○

雍正四年奏準寶泉局於舊例四十卯外加鑄

一卯○五年定嗣後銅鉛各半配搭鼓鑄○六年

奏準寶泉局收見存黃銅器皿百餘萬斤於原定額鑄卯錢外陸續加鑄錢九卯○十二年題準制錢改鑄一錢二分頒行開鑄省分照式鼓鑄

○十三年題準鑄乾隆通寶制錢頒行天下○乾

隆四年奏準寶泉局鑄錢每錢萬串給爐頭工料錢二千二百串每串折銀一兩於正四七十等月按季按卯由部頒發監督按名分給○五年

議準嗣後寶泉寶源二局鼓鑄按銅鉛百斤內用紅銅五十斤白鉛四十一斤八兩黑鉛六斤八兩點銅錫二斤配搭改鑄青錢與舊鑄黃錢一體行用○六年奏準寶泉局加鑄錢二十卯○又奏準寶泉局物料每錢一串仍給銀一兩其工價仍照原議每卯給錢二十三串四百七十六文爐頭領錢照市價易銀給發匠人○七年議準寶泉局增爐十座每年鼓鑄六十一卯淨餉錢六十九萬二千九十七串五百九十九文遇閏加鑄四卯共淨餉錢七十三萬七千三百九十四串三百

九十九文

一督理錢法順治元年定令漢右侍郎一人督理京省錢法滿漢司官各一人監督寶泉局每年掣差設大使一人五年報滿○三年定設寶泉局筆帖式二人○康熙十八年議準令滿右侍郎一人公同督理錢法○十九年議準令滿漢科道一人稽察錢局一年更代○二十三年議準督理錢法堂官及稽察科道監督司官均開列應差職名題請

欽點○又題準錢法令該部管理○四十四年題準寶

泉局監督任滿由部保舉滿漢才能司官引見簡補向係一年更換新舊接任時其中情弊不能即知應俟三年滿日具題更換○四十五年議準嗣後鑄錢如輕薄磨鑿不精即將該監督題叅治罪○雍正元年題準停止稽察錢局滿漢科道官○又定寶泉局滿漢監督一年差滿更替○四年奏準寶泉局分設四廠鼓鑄增設漢大使各一人○七年奏準寶泉局暨四廠大使均於戶部筆帖式內簡選令其到局分廠辦理大使事務移咨吏部註冊五年之內勤謹無過

由部保奏以應升之官補用躁懶不謹者交部議處○十二年奏準寶泉局監督每年一同更替新任之人一時不能諳練嗣後每年新舊滿漢互相更替

一搭放京餉順治十二年題準每年二月八月以制錢半成搭放兵餉俸銀○康熙五十八年議準八旗兵餉給錢一半其漢官俸錢及各衙門公費停其給錢每錢一串給銀一兩○六十一年議準京城錢價昂貴八旗月餉仍以銀錢各半搭放俟錢價稍平停止○雍正元年覆準嗣

後放餉改爲每兩月銀八成錢二成。搭放一次。○
二年奏準。每年雙月銀八成錢二成。搭放外二
八兩月。添搭錢十萬串。○四年奏準。停止每年
二八月添搭錢。○七年奏準。八年兵餉。每月均
以一成搭放。○八年奏準。將八年十月一成餉錢外
加二成搭放。其九年餉錢。單月以一成搭放。雙月
以二成搭放。嗣後每年餉錢。以錢數之多寡酌
定。一二成不等。按季具奏搭放。○乾隆四年奏準。
嗣後寶泉寶源二局。所鑄制錢。全數歸庫。每月
加添成數。支放兵餉。

一直省鼓鑄。順治元年定鑄成順治通寶樣錢。頒發
河南陝西兩省。直隸宣府薊州。山東臨清。陝西延綏
等鎮。開爐鼓鑄。令布政使司總理。就近道官府
同知通判分管。○二年題準。山西省暨大同密雲二
鎮開鑄。○三年定。湖廣暨荊州鎮開鑄。○四年題準。
盛京。河南。江西。甘肅。廣東。湖南之常德府。各開局
鼓鑄。○五年議準。江南江寧府設廠開鑄。停陝
西延鎮暨

盛京局。○六年定。山東。浙江。福建。各設局鼓鑄。移
大同局於陽和。○七年定。湖北之武昌襄陽二

府各開爐鼓鑄○八年議準各布政使司止各
開一局餘皆停止○九年停湖廣常德襄陽二
局令荊州鄖陽各設局開鑄○又題準各省鑄
錢責成各該衙門按季報部歲底彙冊奏銷○
十年題準各省鑄造制錢背鑄一釐兩漢字各
添本省一字宣府宣字薊州薊字山東東字臨
清臨字太原原字陽和陽字河南河字江寧江
字浙江浙字福建福字武昌昌字陝西陝字清
漢各一字鑄不合式者叅究○十二年設山東
萊州府鼓鑄爐座○十三年議準各省鼓鑄如

樣錢頒發而鑄造遲延並季報愆期鑄制錢粗
壞者均罰俸一年○又覆準移山西陽和局於
大同改鑄清漢同字○十四年題準停止各省
鑄局○十七年定復設各省爐座雲南亦令開
鑄背鑄清漢雲字○十八年題準鑄成康熙通
寶樣錢頒發省局依式鑄造○康熙元年定停
各省鑄錢止留江寧局○六年定復開各省爐
座添設湖南暨江南蘇州府陝西鞏昌府鑄局
照式鑄地名各一字兼清漢文蘇州蘇字湖南
南字鞏昌鞏字廣東東字廣西桂字四川川字

貴州貴字。清漢各一字。○九年定。停山東、山西、河南、江南之蘇州、江西、福建、湖廣、陝西、甘肅、四川、廣東、廣西、雲南、貴州、廠局。○十年定。停薊密、宣三鎮局。○十三年定。停浙江鑄局。○十四年定。停臨清鑄局。○十八年議準。復開廣西鼓鑄。○十九年覆準。福建漳州府設爐鼓鑄。背鑄清漢漳字。○二十年定。設雲南鑄局。停廣西鼓鑄。○二十二年定。停福建漳州鼓鑄。○二十三年定。設湖南鼓鑄。○二十五年覆準。廣東肇慶府設爐鼓鑄。尋停。○二十六年覆準。開湖北鑄局。○

二十八年題準。福建臺灣建設郡縣。頒發樣錢。就地開爐鼓鑄。○又覆準。雲南暫停鼓鑄。○三十一年定。停廣東及福建之臺灣鑄局。○三十五年。開浙江鑄局。○三十六年覆準。湖廣鑄錢。務令精工。如仍攙和多鉛。將司道官以尅減治罪。督撫以徇隱治罪。○三十八年定。停止浙江湖北鑄局。○三十九年定。停湖南鑄局。○六十年。題準。鑄成雍正通寶樣錢。令四川、雲南兩省設爐鼓鑄。寶泉局頒發樣錢。四川背用寶川二清字。雲南背用寶南二清字。嗣後別省鑄錢。

皆用寶字爲首。次加各本省一字。○又題準雲南省城。霑益。臨安。大理。四局。共設爐四十七座。鼓鑄。○雍正元年定。停止四川鼓鑄。○二年覆準。裁雲南各局爐七座。○四年覆準。雲南裁去大理。霑益二局爐座。其省城臨安二局。設爐三十座。鼓鑄制錢。除本省搭放流通外。以四萬串。發運江南。江西。湖廣。四川。廣東。廣西等省。令各督撫。動藩庫銀兩。每制錢一串。給銀一兩。交雲南解官領回。接濟工本。各省所收錢。搭放兵餉流通。如錢輕薄不合式。各該督撫奏。

聞將雲南監局之官。交部議處。○又覆準甘肅暫開

鼓鑄。收小錢。鑄大錢。小錢收盡。即行停止。錢背

鑄寶。鞏二清字。○六年覆準甘肅收買小錢。改

鑄大錢。種種未協。著行停止。○又覆準雲南寶

雲錢局。每銅鉛千斤。外加耗九十斤。準其加鑄

所需工本銀。亦準照數動給。鑄出制錢。造入正

額。鼓鑄案內。報部所獲息錢。添給食米等項之

外。如有盈餘。據實報部。○七年覆準山東。山西。

河南。江西。浙江。湖北。湖南等省。將收買銅器。開

局鼓鑄。山東背鑄寶濟。山西背鑄寶晉。河南背

鑄寶河。江西背鑄寶昌。浙江背鑄寶浙。湖北背鑄寶武。湖南背鑄寶南。二清字。○九年覆準。安徽將收買銅器。開爐鼓鑄。背鑄寶安。二清字。○又題準。山西河南二省。所收銅器無多。暫停鼓鑄。○又題準。貴州於畢節縣設爐開鑄。○十年奏準。四川設爐鼓鑄。○十一年題準。雲南添設爐二十八座。鑄運陝錢十萬串。每錢一串合工本脚費銀一兩一錢九分一釐有奇。○又題準。江西收買銅器皆已用完。暫停鼓鑄。○又題準。雲南省局鑄運陝省錢。改於東川府建局鑄運。

每串合計工本運脚銀一兩一錢一分六釐有

奇。○又議準。湖北湖南廣東應辦雲南銅運解

京局共百六十六萬三千一百九十九斤有奇。

嗣後留於雲南。令貴州辦鉛運至雲南配搭鼓

鑄制錢三十四萬三千六十二串有奇。委官運

至漢口附搭漕船運抵通州轉運至京。○又題

準。安徽所收銅器皆已用完。停止鼓鑄。○十三

年題準。陝西錢價平減。雲南所鑄運陝錢停止

領運。○又題準。山西將收買見存銅鉛開局鼓

鑄。○又題準。江蘇收買銅器設局鼓鑄。背鑄寶

蘇二清字○又奏準改鑄乾隆通寶樣錢頒發
設爐各省一體遵照鼓鑄○乾隆二年覆準江
西復開鼓鑄○又定貴州鑄錢銅鉛對搭不能
黃亮準以銅六鉛四搭配鼓鑄○四年題準雲
南停鑄運京錢○又奏準福建收買銅器設局
鼓鑄○五年奏準雲南省局添設爐十座臨安
局添設爐五座○又題準貴州錢價昂貴請採
買雲南銅添爐十座○又議準雲南改鑄青錢
需用點錫赴粵採買不易準其以個舊廠板錫
搭配鼓鑄○九年題準貴州加爐添鑄○十年

題準直隸保定府開爐鼓鑄背鑄寶直二清字
○又題準廣東鼓鑄青錢背鑄寶廣二清字○
十一年奏準四川添爐鼓鑄○十二年覆準四
川鼓鑄照雲南之例配用板錫○又奏準湖北
採買漢口商銅增爐五座鼓鑄錢文搭放兵餉
及減價出易以平市價○十二年題準陝西設
爐鑄錢背鑄寶陝二清字減價出易以平市價
○又題準山西採買紅銅開爐配搭鼓鑄頒發
制錢式樣令照式鼓鑄○十四年奏準雲南停
運廣西錢改運銅添爐鑄錢搭放兵餉併設局

售賣以平市價○十五年奏準雲南廣西府設
爐十五座鼓鑄以銀七成錢三成搭放曲靖開
化廣羅廣南等鎮協營兵餉○又題準直隸鼓
鑄銅不敷用請減爐二座

一搭放省餉順治十二年題準制錢搭放兵餉
工食令州縣扣算列入由單填註收簿○十四
年題準徵收錢糧銀七錢三銀兩盡數起解其
錢充存留之用○康熙七年覆準存留驛站官
役俸工雜支等項均照銀七錢三例搭放制錢
該督撫取所屬徵收流水底簿歲終將搭放

數目造冊報部如奉行不力指名題參○八年
定各省存留驛站俸工等項均搭放制錢以免
壅滯○十年定各省所有從前之小制錢令民
間交官以抵正貢如地方官有不收小制錢者
以違制論○十一年題準各省存留等項錢糧
照舊銀七錢三搭放○二十七年覆準雲南制
錢餘存甚多將驛站俸工雜用等項暨兵餉均
用制錢放給○三十七年題準浙江制錢停止
搭放兵餉只於俸工內支給○四十二年議準
廣東錢價日賤暫停鼓鑄其所存之錢照例搭

放俸工○雍正九年覆準雲南昭通一鎮東川
鎮雄尋甯三營每年官兵俸餉馬乾銀兩以銀
七錢三搭放其錢於東川局內動支○十年奏
準四川省城滿漢兵餉等項銀八錢二搭放離
省營汎州縣如近者每銀百兩給銀八十五兩
搭錢十五串稍遠者銀九錢一搭放更遠者每
銀百兩給銀九十五兩搭放錢五串其各官養
廉亦照遠近分別搭支○十一年奏準雲南昭
通一鎮東川鎮雄尋甯三營官兵俸薪餉乾銀
錢各半搭放○又議準雲南昭通一鎮東川鎮

雄尋甯三營每年搭放餉錢每錢千二百文作
銀一兩○乾隆元年

諭朕聞雲南兵餉搭錢給放每制錢一千算餉銀一
兩而千錢之價實不敷銀一兩未免用度拮据其
應如何變通辦理以惠養弁兵著雲南督撫會議
具奏欽此遵

旨議定雲南督撫兩標及雲南城守武定臨元等鎮
營兵餉於乾隆丁巳年為始每錢千二百作銀
一兩搭放○二年奏準江西所鑄制錢按年搭
放兵餉○四年奏準福建鑄錢萬餘串運至臺

灣搭放官兵月餉○五年奏準雲南兵餉銀七錢三搭放○九年定江西贛屬兵餉從乙丑年為始每年四季一例搭放一成制錢○又奏準雲南加鑄錢二萬四千九百三十七串添放兵餉○十一年題準四川省城滿漢兵餉搭錢一成離省各鎮協營內除夔協巫山梁萬忠州各營領錢未便停止搭錢外其餘無論營汛之遠近槩以每百兩搭錢八千為則○又奏準四川所鑄制錢以一半供本省搭放二成兵餉以一半運至陝省搭放兵餉○十五年奏準雲南省

城臨安二局積存之錢將在省等標鎮協營兵餉以銀錢各半搭放俟積錢完日仍照例以銀七錢三搭放

一辦銅順治二年題準崇文門天津臨清淮安四關各動支稅額銀萬兩辦銅解部以供鼓鑄○四年題準蕪湖揚州許墅九江北新西新六關各增辦銅銀萬兩○七年題準臨清淮安蕪湖許墅九江北新六關各增辦銅銀萬兩○九年題準減西新關辦銅銀五千兩改增蕪湖關銀二千兩許墅關銀三千兩○康熙三年題準

各關額稅銀少。辦銅銀多。不能添買。又崇文門在京。難以採買。將蘆課額稅銀十六萬四千五百十兩有奇。撥出採買。○十二年題準。浙江辦銅。每斤給價六分五釐外。增脚價銀五釐。○十八年題準。撥兩淮鹽課銀三萬兩。兩浙長蘆各萬五千兩。河東五千兩。令各巡鹽御史督催各運使。遵部定價值。買銅解部。○十九年題準。各關收買廢銅舊器。準以銅六鉛四。折算扣解。不許攙和板塊等銅。○二十年題準。停止鹽差辦銅。○二十二年題準。減臨清關辦銅銀萬兩。改

令贛關。太平關。各支銀五千兩。辦銅。又增蕪湖關辦銅銀三千兩。鳳陽關辦銅銀萬二千兩。○二十三年覆準。各關辦銅。不拘板塊及廢銅器。以堪用者解送。不堪用者不收。仍行治罪。○二十四年議準。西新關代龍江關辦銅銀五千兩。○二十五年題準。各關辦銅。每斤增價銀三分五釐。共計每斤一錢。○二十七年覆準。蘆課辦銅價值。亦照各關例。每斤增銀三分五釐。共足一錢。均於蘆課內動支。○四十二年題準。長蘆山東。分辦銅數。動支鹽課銀兩。照定價一錢。

外。給水脚銀五分。○五十二年覆準。將江蘇安徽江西湖北湖南等處所辦之銅。交與內務府買賣人承辦。每年節省銀五萬兩。再於兩淮鹽差。添銅十七萬斤。河東廣東鹽差。添銅各十萬斤。福建鹽差。添銅六萬斤。福建海關差。添銅四萬斤。均交與買賣人。照定限全交。如逾限遲延。虧欠錢法侍郎指名題叅。將保結之佐領。一并從重治罪。其蘆課銀兩。盡行解部。○五十四年議準。採買銅。令戶部及錢法衙門專理。停止買賣人採辦。○又議準。每年額辦銅鉛。以銅六鉛

四計算。每年需銅四百四十三萬五千一百九十九斤。以五十五年為始。均分與江蘇安徽江西浙江福建湖北湖南廣東八省督撫。遴委賢能官。動正項採辦。每斤定價銀一錢二分五釐。水脚銀三分。其向來各關差。並有蘆課地方官所捐。每斤五分。水脚銀兩。節省二分。照數解部。○五十五年覆準。令買賣人。每年辦買舊器廢銅百三十三萬斤。每斤給價銀一錢。水脚銀五分。由部覈給。一面辦買。一面交納錢局。仍將所辦舊器廢銅。以銅六鉛四計算。所用銅價水脚

銀行文辦銅之江蘇等省照數扣除減辦其減
辦銅價水脚銀彙齊解部○五十六年覆準停
止錢局收買舊器廢銅○又覆準江蘇等各省
辦銅各節省二分價銀仍照一錢五分有奇之
數添買紅銅解京○五十七年議準嗣後辦買
次年之銅本年即預支銀給發再銅價既貴將
節省銀二分增入銅價一同給發採辦八省額
辦銅內如紅銅不足著於十分內兼買三分舊
器廢銅交納其價連水脚每斤價銀一錢一分
九釐九毫有奇○六十年議準八省分辦之銅

歸并江浙巡撫辦解自六十一年為始江南辦
江蘇安徽江西福建廣東五省銅數浙江辦本
省及湖北湖南三省銅數○六十一年議準江
浙二省辦銅價銀督撫務委賢能大員不時稽
察如有侵那情弊即行據實叅奏○又題準安
南國產銅著雲貴兩廣督撫行文安南國王允
客商買銅務令照常貿易毋得禁止阻遏○雍
正元年議準銅政歸并江浙二省總辦令該督
撫選賢能府佐家道殷實者領解停用雜職微
員○又覆準浙江辦銅動用南新等關稅銀永

以為例○二年議準江南洋銅不敷照浙江之例承辦江蘇安徽江西三省銅數其餘二省銅交福建廣東巡撫仍照舊額採辦其辦銅官逐年更換永為定例○又議準浙江應辦三省銅因海關洋銅不敷暫分出二省銅數交與湖北湖南承辦○又覆準雲南所產銅除供本省鼓鑄外聽從商販毋得禁遏○又覆準舊器廢銅照康熙五十五年之例收買接濟攬用除遠僻省分載運維艱毋庸知照并不足六成之低銅不準收買外令近京省分及原辦銅等省出示

曉諭毋論旗民有願將舊器廢銅運送到局者錢法侍郎預向銀庫領銀貯局俟銅運一到隨到隨收照所收數目每斤給銀一錢一分九釐九毫三絲俟外解紅銅足用之日停止如各省採買額銅之外又有廢銅亦準其解部照廢銅給價○又覆準商人自備資本收買廢銅交納其自外省收買運送至局者每斤給銀一錢五分在本京地方收買者照新定價值給與如有紅銅每斤給銀一錢七分五釐○四年覆準浙江舊欠銅亦交湖北湖南分辦上運於四年十

月下運於五年四月起解。又覆準八旗各佐領與五城御史報有黃銅器皿出售者令該旗都統都察院一面移咨錢法堂一面即著本人赴錢局交納按照成色給發價值其旗人在直隸州縣居住者令直督轉飭各地方官收買給價彙行解部。五年覆準雲南見產之銅除本省供鑄外尚餘二百數十餘萬斤令委官運至鎮江百數十萬斤以備江南承辦二省銅數運至漢口百餘萬斤以備湖廣承辦三省銅數至各省辦銅定價每百斤連水脚共銀十七兩五錢今雲南銅每百斤價銀九兩二錢加以運至鎮江漢口江南湖廣再由鎮江

漢口遞運至京每百斤水脚銀三兩令該督動用鹽務盈餘銀六萬兩收銅發運賣價還項至將來所辦雲南銅均作雍正六年額辦其江南雍正六年銅既可無藉洋銅嗣後海口所收洋銅均抵節年舊欠倘再遲延推諉即行題參治罪再辦銅舊例均係預年給價雲南產銅盈縮難以懸擬令該督將雲南所辦之銅自雍正五年四月起扣滿一年之期獲銅若干即行題明知照江蘇湖廣二省以憑預定曾否足額庶辦解額銅不致有悞其所運之銅遴委賢員察驗足色淨銅不得夾雜低銅經過關津隘口毋得抽課驗明放行。又覆準商

人辦銅有外洋照票方許採買。每張約銀二三千兩。四五千兩不等。今將欠銅商人照票追出。別招殷實者。納銀給照。所獲照銀即抵所欠銅。如有不敷。於從前承辦官商勒追。如無可追。再於原委上司名下分賠完結。○七年議準。嗣後凡有銅鉛到關。到廠。令該管官察驗批文。如與原解數目相符。免其輸稅。倘有額銅之外多出斤數。即係私販。令其照額輸稅。○九年奉

旨

知府等大員有地方之責。嗣後解銅不必簡委。○又議準。令江浙督撫每年除發價採買洋銅外。再

預發銀往雲南採買。如有成色不足。平秤短少者。總以節省之銀補算。不得過十四兩五錢之數。其洋銅亦照定價給銀採辦。○十二年議準。將湖廣廣東應辦雲南銅六十六萬三千一百九十九斤有奇。留於雲南。令貴州辦鉛運至雲南鑄錢。解京。○十三年議準。各省捐納貢監職銜及封典者。準將生熟銅斤照數交納。熟銅每斤價銀一錢一分九釐九毫。生銅每斤價銀九分五釐九毫。四絲四忽。如交銅不敷。許其將銀湊足額數。至州縣收銅彙解。必需路費。令上捐之人每

銅百斤。旱路加脚費銀一錢。水路加脚費銀三
分。別交州縣存庫。以備解費之用。○乾隆元年
奏準。解京銅以四百萬斤為率。買自雲南。暨東
洋者。各二百萬斤。自戊午年為始。令分額承辦。
又各省採買洋銅出口收口。均由海關察驗抽
稅。為辦銅扼要之地。將江浙海關監督官銜內
加監督某處海關兼辦銅務字樣。江南銅令監
督江南海關道員招商承辦。浙閩兩省銅令監
督浙江海關道員招商承辦。將有倭照各商內
確察身家殷實。並無挂欠者。弔驗倭照。取其連

名互結冊報。該撫察覈承辦。○又奏準。令江浙督
撫招商販銅。如有情願自捐資本出洋買銅者。許
其呈明該管官聽其出洋採買。俟各商回日。該官
收買以供鼓鑄。○二年奏準。令江浙督撫將應辦
戊午年銅。委官前赴雲南採買。解京照依二百萬
之數。均勻分辦。各省辦五十萬斤。倘雲南銅偶有
不敷。即預咨海關。仍令採買以足額數。辦銅關係
鼓鑄。寧多無關。如有商人情願自攜資本出洋買
銅者。準其報明海關。給與倭照。令該商赴洋採買。
俟銅回到關之日。管關官酌量官收。餘聽其自行

貨賣○三年奏準各省商人出洋買銅者報明江浙督撫給與執照今其出洋購買如在京師有家道殷實之商願赴洋買銅者該商取具保結赴部具呈由部奏明給與執照行文江浙督撫亦令其出洋採買○又覆準各省辦解京銅官商虧空甚多見在雲南產銅頗旺應將各省每年辦解京銅四百萬斤自己未年為始盡歸雲南辦運○又覆準雲南辦運京銅採自湯丹廠銅質澆薄自本省至京程途萬里今於每正銅百斤外帶餘銅三斤如正銅秤少即將餘銅添足如有餘剩即作正

銅交部歸項報銷又從前各省承辦雲南銅解部時多係九成九五照成色覈減今應於正銅百斤之外加給耗銅八斤永為定例又自廠運至東川有小江塘至熱水塘五十餘里兩山壁立中通狹澗沿途碎石溜沙兼以夏秋多雨烟瘴盛發一年內止可運銅半年自東川至威寧當滇黔蜀三省衝衢官運銅鉛商馱貨物皆於威寧換馬必不能運滇銅四五百萬之多今訪由廠至威寧別有車路可通由東川經魯甸昭通至大關之鹽井渡上船別有水路可達川江見

在委官察勘到日再議其湯丹等廠收買發運向由糧道經管今自廠運至東川皆委該道管理本任養廉已敷支用毋庸加給自東川至威寧委東川府管理自產運至尋甸委尋甸州管理若由昭通鹽井渡直達川江委昭通府管理其鹽井渡催船至瀘州委大關同知管理該府廳州養廉僅敷本任之用知府每月各酌加養廉銀六十兩同知知州每月各酌添銀四十兩至承運之府佐州縣一月每月酌給銀六十兩家人跟役及燈油紙筆雜費銀十五兩協運雜

職一員每月酌給養廉銀三十兩雜費十兩沿途打包換簍按日登記回滇之時據實造報又湯丹等廠每年約辦銅七八百萬斤每斤需工本銀九分二釐共需工本廠費等銀五六十萬兩又脚價官役盤費約需銀十餘萬兩又每年應解司庫餘息銀二十餘萬兩應於每年預撥銀百萬兩解貯司庫按年支銷如有餘剩歸於餘息項下充公再有餘剩留作下年工本脚價每年於銅務并運銅案内報銷○四年覆準雲南停鑄解京錢文令辦解正銅百七十萬四千

餘斤耗銅十八萬六千餘斤。按年運至漢口。分撥站船解交京局。加卯鼓鑄。○又覆準雲南辦運京局銅四百萬斤。分作兩路各二百萬斤。一自廠由尋甸發運威寧。轉運至永寧。一自廠由東川發運昭通鎮雄。轉運永寧。○五年覆準雲南辦銅運解京局。自乾隆四年辦運之初。原分八運。每運委正運官一人。協運官一人。在東川尋甸等處領運。今八運既併為四運。應別設承運收發等官。催脚運至永寧。其運交京局。每運正運官委府佐或州縣一人。協運官委雜職二

人。赴永寧領運。各押銅五十萬斤。挨次起程。正運官月給養廉雜費銀八十兩。協運官各月給養廉雜費銀四十五兩。○七年議準雲南辦運正耗銅六百三十三萬千四百四十斤。內由東川運至永寧銅三百十有六萬餘斤。向來每百斤。每站脚價銀八分五釐。至一錢三釐不等。但東昭一路。新闢夷疆。食物昂貴。應準其每站每百斤。給銀一錢二分九釐二毫零。○九年奏準各省承辦之銅。按成色核減價銀。嚴追各商完項。如商人力不能完。家產全無者。責令辦員如

數完補○又覆準雲南辦運正耗銅共六百三十三萬一千四百四十斤。採自湯丹廠向由東川運至永寧。每百斤。每站給脚價銀八分五釐。以及一錢三釐不等。其間小江塘至熱水塘運道艱難。前於乾隆四年覆準。自廠由威寧至永寧。別有車路可通。應分運三百十有六萬餘斤。但沿途馬匹稀少。草料昂貴。其所需陸路脚價。每百斤。每站暫準給銀一錢二分九釐二毫。俟馬匹足敷應用。草料價值平賤。酌量核減○又題準雲南解銅自威寧至永寧。所需陸路脚價

銀準其暫照每百斤。每站一錢二分九釐二毫之數。支給報銷○十四年議準雲南運解京局正耗銅六百三十三萬六千四百四十斤。先經奏明由東川威寧兩處陸路運至永寧。由水路運京。東威二路各半分運。但銅鉛數多。馬匹催募不前。應將東川一路分運銅三百十六萬五千七百二十斤。內酌分一半。由鹽井渡水運至瀘州轉運。其東川運鹽井渡陸路。每百斤。每站給脚價銀一錢二分九釐二毫。自鹽井渡抵瀘州水運。每百斤。每站給脚價銀七錢二分九釐。

其餘一半銅斤仍由東川運至永寧。又威寧分運銅三百十有六萬五千七百二十斤。內酌分一半由羅星水運至瀘州。其自威寧陸運至羅星渡。每百斤。每站給脚價銀一錢二分九釐二毫。又自羅星渡水運至南廣。每百斤給水脚銀二錢。又自南廣水運至瀘州。每百斤給水脚銀九分。事竣核實報銷。

一辦鉛錫。康熙五十四年議準。額辦鉛每年共需三百九十五萬六千七百九十九斤。由部給發銀兩向商人鉛礦買用。每斤定價銀六分二

釐五毫。水脚銀三分。○五十九年題準。湖南桂

陽州五十八年稅鉛十有二萬三千三百十有一斤。並五十九年以後所抽稅鉛。停其變價。以十分之七解部。十分之三解工部。每斤給水脚銀三分。○六十一年題準。鉛價昂貴。每斤增價二分。○雍正十二年奏準。京局鼓鑄。每年額辦鉛三百六十六萬餘斤。自雍正乙卯年為始。令貴州巡撫遴委賢員。照各廠定價。每百斤給價銀一兩三錢。依數採買。分解寶泉寶源二局。每百斤給水脚銀三兩。其商辦之鉛。停其採買。○

又奏準令貴州辦運鉛六十六萬三千一百九十餘斤。在雲南鑄錢運京。○乾隆五年議準京局改鑄青錢。與見在黃錢並行。每年應需黑鉛五十萬斤。令貴州總督於柞子等廠收買。其原白鉛每年減辦五十六萬斤。至應需點銅錫十五萬斤。令粵東巡撫覈辦。均於辛酉年為始。按年解部。○六年題準貴州解京黑鉛每百斤給價銀一兩二錢。收買解京以供鼓鑄。○七年議準雲南錢停運京局。加郊鼓鑄。每年應加運黑鉛二十萬五百七十一斤。點銅錫六萬一千七

百十有三斤。○八年題準廣東辦解京局點銅錫。除抽課錫外。不敷錫。準其採買。湊解。每百斤給價銀十有四兩一錢一釐五毫。○又題準貴州柞子廠黑鉛。每斤一分二釐之價。收買工本不敷。請每百斤給價銀一兩五錢。收買解京。○九年題準貴州辦鉛。每百斤。每站陸路報銷腳價銀一錢二分九釐二毫。○十年題準廣東採買洋錫。照時價。每百斤給銀十有三兩五錢。收買解京供鑄。○又題準貴州辦解京局白鉛。請照課鉛變價例。每百斤以一兩五錢收買解京。

○十四年題準。貴州黑鉛。出產稀少。每年辦運京鉛七十萬五百七十一斤。改歸湖南辦解。仍分上下兩運解京。

一收銅。康熙十八年題準。寶泉局爐頭局。後將各官應解銅包攬買交者。照例治罪。出差各官知情者議處。○雍正六年議準。各省採買銅。並未分別成色。嗣後除淨銅。仍按定價一錢四分五釐。如有塊銅。暨廣條。蟬殼等項。不足成數者。到部。即令錢局監督同解官。估定成色。彈兌交收。行文解銅本省。照依覈定成數。減價報銷。○

九年奏準。各省辦解寶泉局銅。皆有高低。嗣後收銅。設立銅色對牌。以八成。八五。九成。九五。十成。分設五牌。銅到局。令解官監督。從公較對。除八成以下者不收外。八成以上者。均照成色秤收。定價銷算。估定八成以上者。準作八五。八五以上者。準作九成。九成以上者。準作九五。九五以上者。準作十成。其色裏鉛渣及黑暗灰色等項。令承辦官家人。公同解官。鎔化淨銅。照斤數作十成秤收。虧折者補解。○乾隆元年奏準。停止原設銅牌。令辦銅各省。巡撫嚴飭辦銅官。務

選足色淨銅交部以供鼓鑄仍令寶泉寶源二局監收之官照依未設銅牌以前秉公秤收倘有攙雜低潮不堪鼓鑄者令該堂官委官會同兩局監督解官抽驗鎔化如果低潮即將承辦之官嚴加叅處其虧折之銅仍令補解至爐頭秤手不得任意低昂如違究治

一辦銅鉛考成康熙元年題準關差限滿回京其額辦銅限兩月全完如未完五分以下罰俸半年辦銅人役及原保並領運商人各杖八十六分以上罰俸一年人役各杖一百再限兩月

如未完五分以下罰俸一年停其升轉六分以下降一級留任仍罰俸一年人役等各杖一百該督撫催限一年內完解如不足原監督限四月賠補仍未完由部題叅解任追補完日開復辦役保商照侵盜錢糧例治罪○十四年議準辦銅官並未起解捏報起解者降二級調用解送遲延者照違限例議處○十八年題準各關解銅自到任後起限至八月完解一半不完者降一級留任自差滿後起限至四月完解一半不完者降二級留任限一年全完開復再不完

革職變產追完商役照前例治罪○十九年覆
準各關解銅不許在京辦買違者辦買人係旗
人加號三月鞭一百係民加號三月杖一百流
三千里銅價入官監督知情令辦買者革職○
三十一年

諭各關差於京城浼人購銅及令衙役解銅均着嚴行
禁止務於該差地方如數辦買令同差筆帖式依
期親解送部欽此○五十四年議準江南等省委官
辦銅及商人辦鉛均分上下兩運上運每年四
月完解下運每年十月完解○五十六年覆準

江南等省添買紅銅務於限內解到如違限者
將承辦官指叅○六十一年議準江浙二省解
部銅照九卿原議每年四月完半十月全完倘
逾限不完照例治罪如上運於四月不完者即
應初叅再限四月不完為復叅再限四月仍未
完為三叅下運一照上運扣限糾叅如有徇隱
不揭報者將督撫一并嚴加議處○雍正元年
議準各省尾欠銅照江浙辦銅定限按初叅復
叅三叅之例叅處○二年覆準每年辦銅上下
兩運仍於四月十月起運報文一到扣算程途

勒限解交若上運至九月。下運至次年三月。有不到部者。委解各官。並該管上司。均嚴加處分。○又議準。嗣後辦銅。初次逾限。承辦官革職。留任。該上司各官降二級留任。展限四月。如仍未完。承辦官革任。交部從重治罪。別委賢員接辦。如有虧空。著落家產追賠。委辦上司各官降二級調用。并令分賠。如叅後六月內買足交還者。準予開復。如二叅四月內能完三分之二者。免其革任治罪。再限四月。照數辦足。如仍未完。承辦官革任。交部從重治罪。委辦上司降調分賠。

如叅後六月之內買足。交部亦準開復。至該撫報解之後。上運準其本年九月。下運準其次年三月。到部逾限不到。解官革職。戴罪管解。委解上司各官降三級留任。并沿途官弁。照催行糧船不力。例題叅所欠銅。著落本解官追賠。委解上司官分賠。如叅後三月之內解部完交者。亦準其開復。○五年覆準辦解雲南銅。不必拘定舊例。仍分上下兩運。總以不闕額。不逾六月到部為率。○七年議準江浙二省採辦洋銅。不能依限起解。將上運展限四月。於八月起解。下運展限兩月。於十二月起

解如違限不到照例叅處○十一年議準各省辦銅商人每因限期寬裕將本年所領帑項營運射利新舊那移嗣後令該督撫嚴飭辦銅官秉公發價如有該商承領務察明於何處出洋取具甘結知照出口汎弁并地方官自該商領銀之日為始定限兩月置貨齊備報明該汎官并察明果否是採買易銅貨物驗放出口一面報明督撫并取該員等印結存察如有逾限並無貨物出口或非採買易銅貨物即將該商嚴究並行原籍地方著落家產嚴追帑項至洋船進口之日亦令該汎弁地

方官察明是某省辦銅商人載銅若干斤逐細通報該督撫定限一月內將辦銅進口日期暨斤數一并報部察覈一面委官起解○十二年奏準嗣後委官解銅照解餉之例按運更換如有遞年長令管解者即將解官治罪原委之上司交部議處○又議準寶泉寶源兩局額需黑鉛令貴州巡撫委官採買照辦銅之例分上下兩運上運每年四月起解十月到部下運每年十月起解次年三月到部如有遲悞照例題叅○乾隆元年議準江浙二省海關額辦之銅定

限於每年六月起解。十二月到部。如逾限不解。承辦官。并該管上司各官。分別議處。許其展限。四月。戴罪仍辦。如四月限內完。至三分之二者。免其議處。再寬限四月。照數辦足。解部。如限滿。仍未完解。即將承辦官議罪。別委賢員接辦。如有虧空。着落家產追賠。其該管上司。照例議處。并令分賠完結。若二叅限滿。完不及三分之二者。仍照例議處。如承辦官果能依限全完。並無挂欠者。該撫察明報部。由部移咨吏部。量加議叙。至辦銅起解之日。將所需水脚銀兩。照數全

支。毋庸預扣節省。○三年奏準。兩江浙閩等省。應辦之銅。統赴雲南採買。仍分上下兩運。按照原定限期解部。如逾限不解。即照例叅處。○又覆準。雲南額辦銅四百萬斤。解交京局。應分為八運。以五十萬斤為一運。每運委該省見任府佐貳。及州縣官一人為承運。再委雜職官一人為協運。起運之前。預咨沿途督撫。遴委幹員。督同該地方官。俟滇銅一到。即協同運官。催募船馬。催運前進。如有遲悞。分別叅處。所需脚價。仍聽雲南正運協運官。給發報銷。○四年奏準。嗣

後承辦銅。未經全完者。所有原議之案。仍照定例。不準開復外。其有已將正額銅。照數完解者。雖銅色銀未據完繳。而議處本案。業已完結。則原參之案。準予開復。至未完覈減銅色銀。如逾限無完。仍照例議處。○五年題準。雲南辦運京銅四百萬斤。八運併為四運。每運委府佐貳或州縣官一人為正運。雜職官二人為協運。令正運官押運五十萬斤。協運官二人。共運五十萬斤。分發起運。再雲南解銅。在東川尋甸領銅。由威運。永原係以長年計算。自辦理以來。各脚戶每

多不前。運官守候有悞限期。實不如專責地方官。雇脚為便。應由尋甸東川兩路分運。永寧交收。尋甸一路。委令尋甸州為承運官。自尋甸車運至威寧。交威寧駐劄之官。雇脚轉運至永寧。東川一路。自東川遞運至魯甸。魯甸遞運至奎鄉。奎鄉遞運至永寧。令東川府。昭通府。鎮雄州。為承運官。雇脚發運。又令魯甸通判。奎鄉州同。為協運。至解交京局之正協運官。令其赴永寧領銅。由水路接運。遵照題定限期。按限運解。如逾限無解。及逾期未到。即將遲悞各員。分別查

叅交部議處○又奏準雲南加運銅分委管解銅之正運協運各官搭解○八年題準雲南辦運京銅四百萬斤乾隆四年辦運之初分為八運自五年起八運并為四運每運正協運官各領銅五十萬斤分發起運嗣後每運遣正印官一人協運官一人照乾隆四年之例令合領正耗餘銅百十有一萬斤一同起運水脚雜費照數發支其搬運出廠以九十日為一運每年分作四運各限一年到京至加運銅亦照額銅之例將四運并為二運每運委官二人領運正耗

餘銅九十四萬五千七百二十斤該撫委官管解照額銅之例畫一辦理○十三年奏準雲南運銅率多逾限嗣後凡銅到境照催漕例上緊催行倘不實力催行立即叅處如運官移貨逗遛銷售舉報貨物入官地方官不行舉報察出并叅究○十四年奏準雲南解運京銅自永寧至漢口定限四月漢口抵通限五月漢口儀徵換船換簍漢口定限四十日儀徵定限二十日通計永寧抵通定限十一月如逾一月照例題叅領解官草職戴罪管解委解各上司降三

級留任如遇守凍地方官察明咨部仍照例扣除至守風守水日期均不準扣算再每運銅均有正協領運二人沿途或有沉溺打撈患病事故即令一人先運如有藉詞停留亦不準扣算其銅到處令地方官弁按站催行將出境入境日期報部察覈倘無故逗遛盜賣地方官不實力催行狗隱不報即照狗庇例降三級調用督撫一并議處至加運銅向係佐雜二人管解未免官卑任重嗣後加運銅委府佐州縣一人為正運佐雜一人為協運該督撫務選幹員管解

○又奏準貴州辦運京鉛嗣後照運銅之例於起解時僉給兵牌沿途逐粘貼印花如遇守風守凍亦於印花內填註到京投交兵部察覈○十五年奏準雲南貴州兩省沉失銅鉛定限一年撈獲如撈不足數即著落運官賠補所沉銅鉛聽其自便撈獲報官照廠例給價收買不許私賣至限內有升遷事故仍留沉銅處所打撈俟事竣分別赴任回籍至運銅之船令地方官催覓倘以不諳行船之人塞責致有覆溺將地方官報部照例罰俸六月沉溺銅鉛仍令地方

官協同打撈。如限內無獲。將地方官於一年限內。停其升轉。該運官題。恭照例。革職。一年內。賠完。準其開復。如逾一年。賠完。免罪。不準開復。二年不完。照例治罪。嚴追。

一錢價。順治二年題。準改鑄新錢。每七錢準銀一分。舊鑄錢。每十四錢準銀一分。官以此徵收。民以此輸納。聽便行使。○三年題。準禁用舊錢。送部者。每斤給價八分。○四年定。每十錢準銀一分。○康熙二十九年議。準制錢務照定例。每銀一兩。不得不足一千之數。○四十一年議。準

改鑄新制錢。每千作銀一兩。舊制錢。每千作銀七錢。俟三年滿日。將舊錢停其使用。○六十年議。準京城制錢。向來市價。每銀一兩。易錢八百八十。今每銀一兩。易錢七百八十。錢價日貴。民用甚艱。嗣後將賣米所收制錢。令五城照市價。易銀交庫。俟錢價稍平。即行停止。○六十一年。遵

旨議定。於大宛兩縣。設立官牙。將錢價議平。買賣見鑄。雍正通寶制錢。并康熙大小制錢。攙和使用。

雍正三年

諭雲南四川鼓鑄制錢恐各省禁止不許出境著行文該督撫聽其流通各省以便民用欽此○七年

諭錢為國寶固必流通以利民然必權衡輕重使得其平方能便民用而無弊若錢價過賤民間貿易之際物價必致虧損而姦弊從此而起嗣後每銀一兩止許換大制錢千文著行文直省一體遵行欽此○十二年題準大宛二縣額設錢牙均令分設五城地方酌量錢價貴賤以平時值每十日令牙戶親身赴部報價一次務令錢價平減以便民用并令步軍統領順天府尹巡視五城御史嚴行

稽察倘有聚集一處私立罰規暗中串通高擡價值者送部治罪其牙戶選擇殷實良民承充○乾隆三年奏準錢行經紀槩行革除凡銀錢交易聽民自相賣買倘有借經紀名色從中阻撓者所在地方官即嚴拏究治○九年

諭江南搭放餉銀自乾隆甲子年為始仍照定例每銀一兩給錢一千其錢局公費運錢水腳準其動項報銷不敷成本準其銷算至見在鼓鑄省分如有折扣搭給者亦一體加恩照江南之例給發欽此○又遵

旨議定。嗣後應官發錢者，仍用錢外，其他應支領銀者，即以銀給發，不得復以錢代。如直省興修水利城工、坐糧廳赴東採買布疋等類，及各省修理城垣、倉庫、營房、衙署等項，領出帑銀，除雇覓匠夫給發工價外，其一切辦買物料等項，如間有易錢給發者，該管上司即行察禁。至民間日用自當用銀，除零星布帛菽粟之類，準其用錢外，至舖店向行家成總置買貨物，均令用銀交易，不得用錢。行令直省該地方官一體出示曉諭。

一錢法禁令。順治四年定，各處地方不許私鑄偽錢，及用前代舊錢通行，嚴禁。○八年題準，明季廢錢，願送部者，量給價值。如文到三月，仍舊行使者，枷號一月，杖一百。地方官以溺職論。○十年題準，官爐夾帶私鑄者，計贓以枉法論。○十三年題準，緝獲私鑄三次者，紀錄一次。○十四年議準，私鑄為首及匠人均處斬，為從及知情買使者，擬絞監候。經紀舖戶與販攬和者，杖一百。流徙尚陽堡。在京總甲在外十家長，知情不舉首者，照為首例治罪。不知情者，杖一百。徒

一年告捕者官給賞銀五十兩該管地方官知情任其私鑄者照爲首例治罪不知情及聽其販賣攙和者五城坊官州縣每起降一級掌印兵馬司知府直隸知州二起降一級司道三次降一級同知通判吏目典史有捕盜之責者各照印官例鹽運使照司道例分司照知府例大使照典史例副叅遊擊照司道例都司守備千總照州縣例如五城御史各撫按不行察叅者一并議處○又議準改鑄新錢有攙和廢錢舊錢行使者係旗人鞭一百枷號一月係民杖一

百枷號一月○十八年議準私鑄爲首及匠人斬決家產入官爲從及知情買使者絞決總甲十家長知情不舉首者照爲從例治罪不知情者枷號一月杖一百告捕審實官給賞銀五十兩該管地方官知情任其私鑄者斬監候不知失察者降三級調用如經紀舖戶販賣攙和私鑄者枷號一月流徙尚陽堡在內五城坊官在外州縣官失察一起降二級二起降四級均調用三起革職掌印兵馬司知府直隸知州失察一次降一級二起降二級三起降三級均調用

四起草職司道。失察二起降一級。三起降二級。四起降三級。均調用。五起草職府州縣捕盜佐貳鹽場武職各官。各按職掌。照新例處分。五城御史該撫不察叅者。以疎忽治罪。○康熙三年題準。失察私鑄該州縣官。并吏目典史衛所官。各降三級調用。知府直隸知州捕盜廳官。各降一級調用。司道都司各罰俸一年。督撫罰俸六月。運司照司道例。分司照知府例。大使照典史例。議處。○七年題準。攬和私錢十文以上。照例治罪。九文以下。仍枷責。免流徒。○九年題準。興

販私錢攬和行使。五城御史及各省巡撫。不訪叅者。一起罰俸三月。二起罰俸六月。三起罰俸九月。四起罰俸一年。六起以上。降一級留任。○十二年覆準。銷燬制錢者。犯人與失察官均照私鑄例治罪。地方官拏獲。每一起紀錄一次。至四起加一級。旁人首告者。所獲銅一半入官。一半給賞。除紅銅鍋。及見存銅器不禁外。其鑄造一應銅器。止許五斤以下。違禁者。係官草職。係旗人鞭一百。枷號一月。係民杖一百。流三千里。所獲銅入官。驍騎校失察。照知縣例。佐領照

知府例。叅領照司道例。都統副都統照巡撫例。議處。領催每一起鞭一百。○十八年議準。禁止鑄造銅器。除銅鍋。并見用已成銅器不議外。其軍器樂器。鏡子。臉盆。鈕子。鎖鑰。箱櫃。鋏。響事件。等子。天平。法馬。刀束。刀箍。刀環等物。係民間必用之物。五斤以下者。許其造賣。此外銅器一概禁止。犯者按律治罪。失察官照例議處。○又題準。寶泉寶源二局鑪局役。將各官應辦解局之銅包攬買交者。杖一百。枷號三月。並妻及未分家子。流徙尚陽堡。該管官革職。○二十三年議

準。錢局鑪頭並匠役等。有私鑄小錢。令錢法侍郎同稽察錢局科道。及監督等。嚴行查緝。如不嚴拏。別經發覺者。均議處。○又定。五城御史。巡捕三營步軍統領。嚴拏盜鑄私鑄。及銷燬制錢之人。若別經發覺訪獲者。五城三營步軍統領官。均照處分錢局官例議罪。○二十四年議準。旗下另戶人。有在本旗地方私鑄。及銷燬制錢者。照例治罪。該管各官。分別知情不知情。照例治罪處分。領催總甲。鄰右十家長。知情者。照爲從例治罪。不知情者。係旗人鞭一百。係民杖一

百係官降一級留任。若別旗人或民人在該旗地方私鑄銷燬失察者。領催鞭八十。步軍驍騎校罰俸半年。佐領步軍副尉各罰俸三月。叅領罰俸二月。都統副都統罰俸一月。犯人本旗該管官均免議。如家僕有犯。其主係官降二級留任。係平人鞭一百。該管官免議。賃房之主知情者。照爲從例治罪。不知情者。係官降一級留任。係平人鞭一百。其城外居住及看墳家人有犯。其主照此例處分。若看房家人。賃與他人有犯者。家人照房主例處分。其主免議。在屯莊家人

有犯屯莊領催知情者。照爲從例治罪。不知情者。鞭一百。其主及該管官免議。○二十九年覆準。攬和私錢行使之人。免其枷號流徙。如有拏獲者。不論錢數多寡。係旗人鞭八十。釋放。係民杖八十。釋放。京城內外。責令司坊官順天府屬之宛平大興二縣。直省責令該州縣官。不時嚴行察拏。若仍有攬和私錢者。被督撫科道糾叅。或別有發覺。將該管司坊州縣官。每起罰俸一年。京城內外。令五城御史。該部司官。亦不時嚴察其私錢。在內定限六月。交送戶部。照買銅價。

每斤給銀一錢收取交錢局鼓鑄制錢在外以
文到之日爲始亦限六月各州縣官動庫銀收
取亦照買銅價每斤給銀一錢收取解交布政
司限內交送私錢之人免其治罪○三十六年
議準嗣後內外文武各官將該管地方銷燬制
錢私鑄販賣者自行拏獲免其治罪如被戶部
都察院差官察出督撫差官拏獲或被旁人首
告者五城坊官及直省州縣官不知情者一起
降三級調用二起革職兵馬司掌印指揮直省
知府直隸知州一起降二級二起降四級均調

用三起革職司道官一起降一級二起降二級
三起降三級均調用四起革職五城御史直省
督撫一起降一級二起降二級三起降三級均
留任四起降四級調用五起革職知府下捕盜
同知通判州縣下吏目典史照掌印官鹽場大
使照典史分司照知府運使照司道武職守備
都司僉書照州縣官游擊叅將照知府副將照
司道提鎮照巡撫各分別處分以上議處各官
有因公出境者免議至官船戶夾帶私錢者杖
一百流三千里同船人知情不舉首者枷號一

月杖一百徒二年押運官知情任其夾帶者革職不知情者降三級調用其不知情之文武地方官但能拏獲者不論年月遠近均免其處分文官拏獲者并免同城之武弁處分武弁拏獲者亦免同城之文職處分京師五城地方該管文武官拏獲者如之接壤州縣此縣拏獲彼縣亦免處分再知府以下若各旗地方有鑄造私錢銷燬制錢攬和私錢行使者照康熙十二年議準銷燬制錢例處分再有自別省買私錢船車裝載牲口駝帶販賣者或被看守津關之人

拏獲或被旁人拏獲申首者將私錢入官拏獲之人照例賞銀十兩將販賣私錢之人及未經察出該管官仍照例治罪處分其小錢在京城者限兩月交送戶部免罪照買銅價值每斤給銀一錢直省以文到之日為始限三月交各該地方官送布政使將小錢亦照買銅價值每斤給銀一錢咨報戶部其攬和低鉛所鑄小錢不便照好銅給與價銀於所定限內各自銷燬者免其治罪在京戶部都察院在外直省督撫差官不時察拏○又覆準湖廣昌字南字錢色紅

不堪使用。照小錢例依限收交。行令該督撫鑄造務必精工。如仍攬和鉛多。將司道官以尅減治罪。督撫以徇隱治罪。○又覆準收燬小錢鉛多耗重。每斤改給銀八分。鑄時仍令開除九斤折耗。其小錢不必解部。竟交寶泉局。戶部官與該監督公同收取。○三十七年議準。南字昌字錢禁止不準使用。○三十八年覆準。收取小錢紅色錢。每斤給銀六分五釐。○又覆準各處小錢紅銅錢。悉令銷燬。停其交送寶泉局。在京城者以

命下之日為始。外省以文到之日為始。均限兩月自行

銷燬。如踰限不銷燬。仍照前存貯使用。販賣者照定例。將經紀鋪戶杖一百。枷號一月。係旗人鞭一百。枷號一月。再將失察該管地方官亦照九卿所定之例。計起數議處。○四十一年議準。改鑄新制錢。將舊制錢於三年後停其使用。各自銷燬。○四十四年題準。經紀鋪戶興販私錢攬和行使者。枷號兩月。杖一百。應發黑龍江給窮披甲人為奴。照例改發雲貴川廣烟瘴少輕地方。該管地方文武官不訪拏者。一起降三級。

調用二起。草職掌印兵馬司各省知府直隸州知州一起降二級留任。二起降四級調用。三起草職司道官一起降一級。二起降二級均留任。三起降三級調用。四起草職巡城御史及直省督撫一起罰俸一年。二起降一級。三起降二級均留任。四起降三級調用。五起草職再知府下捕盜同知通判州縣下吏目典史各照掌印官例。鹽運使照司道例。分司照知府例。鹽場大使照典史例。若營伍內有私鑄販賣行使者。千總守備都司各官照州縣例。遊擊叅將副將照司

道例。總兵提督照巡撫例。再各旗有鑄造私錢銷燬制錢及攬和小錢行使者。驍騎校照知縣例。佐領照知府例。叅領照司道例。都統副都統照巡撫例。分別議處。其漕船夾帶者。船戶照興販例。同船人照不知情之總甲十家長例。治罪押運官知情者。草職不知情者。照失察例。議處。○又覆準行令直隸陝西山西河南督撫將水陸衝衢要口訪拏販賣攬和私錢之人照例立絞。凡經過地方文武官皆照失察私鑄例。降三級調用。○四十五年議準新鑄錢尚少將舊制

錢展限五年再行銷燬○四十七年議準湖廣武昌舊鑄制錢俟五年限滿之日不準使用即行銷燬○五十六年覆準錢局收買廢銅以致小民圖利將小制錢燬壞變賣通行八旗步軍統領並五城大宛兩縣嚴拏為首者於本處枷號兩月杖一百應發三姓地方給窮披甲人為奴照例改發雲貴川廣烟瘴少輕地方為從者枷號一月杖一百流三千里該管地方官知情故縱者與同罪不知情者降三級調用房主鄰右知情不舉首者照為從例治罪不知情者杖

九十○又議準寶泉局鑪頭預借工料錢以致虧空嗣後永行禁止預支再寶泉局每年奏銷照舊例開明不必別造款項○六十一年議準京城見鑄雍正通寶制錢并康熙大小制錢攙和使用○雍正元年覆準雲南省自康熙四十四年設立官銅店短少價值加長秤頭礦民賠累該督撫嚴行禁革悉聽商民採買販賣照市秤市價出入畫一照康熙四十四年以前銅廠則例公平抽收毋得抑勒商民至所產之銅除供本省見在鼓鑄之用有餘聽民間販賣流通

不必解運來京。四年議準嗣後鑄造器皿除紅銅白銅不禁其黃銅除樂器軍器天平法馬等子暨五斤以下之圓鏡不禁外其餘一應器皿無論大小輕重皆不許仍用黃銅製造倘有犯者造賣之人照違例造禁物律治罪買用之人照不應例治罪失察之官照例議處其已成銅器有願賣者作廢銅交官每斤給價一錢一分九釐九毫三絲官吏不得勒逼扣尅江南浙江福建湖廣廣東見在辦銅六省廢銅交與辦銅之官採買如紅銅不敷即以此項銅解部扣

六成紅銅覈算補額其四成鉛準扣出別給價值應用脚價照見今銅鉛之例每斤給算水脚三分其不足六成之銅器亦準收買總照成色遞減其價於解部時報明成色如所報不實令承辦官賠補至江西廣西貴州三省與江南湖廣廣東接壤江西廢銅歸江南廣西廢銅歸廣東貴州廢銅歸湖廣着三省上司委官收買雲南見開鼓鑄所收黃銅和入紅銅扣算成色入鑪鼓鑄直隸山東令州縣收買廢銅交布政使司彙齊解部直隸解送每斤給水脚銀一分山

東每斤給水脚銀一分五釐山西河南陝西四川所收廢銅暫存本省俟一二年後視所收多寡或本省開鑄或作何解送具題請

旨○又遵

旨議定嗣後京城內三品以上官準用黃銅器皿民間樂器圓鏡等子仍照原議外其文武各官軍民人等一應大小器皿均不得仍用黃銅所有舊存黃銅器皿除箱櫃上銅事件外其餘不論輕重多寡悉交官領價旗人交本旗佐領漢官民人交五城御史各該管處無論多寡隨交隨收

按依成色估銅鉛斤兩照部定每斤一錢一分九釐九毫三絲之價給發如有以低銅冒開好銅者照侵蝕錢糧例抑勒扣剋者照剋減官價例治罪其收買之銀八旗都統都察院堂官酌量於戶部支領所收之銅該管處每季解交錢局以供鼓鑄并將所給銀兩實數造具清冊報部寬以三年之限如過限不交賣者以私藏禁物律治罪其從前小鋪所收零星銅器限三月內盡行交官領價違者即照私藏禁物例治罪打造銅器店鋪如仍將黃銅打造器皿者照銷

煊制錢為從律治罪。令步軍統領五城御史順天府尹出示通行曉諭。仍不時稽察。有犯者即行拏究。其直省悉照京城之例。均以三年為限。令其交收。○又覆準。晉省小錢寬限三年。令該撫試行收買。歲底彙報戶部。俟文銷解。俟大錢流通。然後通行收禁。倘逾限三年。猶有私錢事發者。將奉行不力之各該地方官失察一次者。降職一級。二次者降職二級。三次者降職三級。四次者降職四級。均準其帶罪。限一年內拏獲。果能拏獲私錢一次者。還職一級。二次者還職

二級。三次者還職三級。四次者還職四級。如失察五次以上者。降一級調用。○又

諭。昨步軍統領於崇文門外拏獲銷煊制錢之人。朕思近在輦轂。尚有此違禁射利之徒。則鄉邑偏僻之地。可知矣。着直隸總督嚴飭各地方官。密行緝拏。毋致潛藏。以為民患。如有怠忽。疎縱不行。察出者。或被旁人首告。或被京中番捕緝拏。定將該地方官照溺職例革職。至於銅器交官給價。先試行於直隸八府。及各處省城。其餘各府州縣。因一時難於通行。故尚準其使用。然將來致滋弊端。着該督撫通行禁飭。嗣後

鋪戶人等不得鑄造黃銅器皿出賣與人違者照律治罪欽此○又

諭從前曾酌議三品以上官許用黃銅器皿今猶覺濫用者多嗣後惟一品官之家器皿許用黃銅餘着通行禁止如有藏匿私用不肯交官者槩以違制論欽此○又遵

旨議定將各省未完舊欠錢糧準其以黃銅器皿抵交除四川廣西雲南貴州四省並無民欠西安民欠無多其餘各省各該督撫酌量於該省民欠內以二十萬兩為率準令欠戶交納銅器扣抵

應完舊欠之數倘銀數抵扣完日該省尚有交納銅器者該督撫再行請

旨此所交銅器熟銅照頒定價值每斤一錢一分九釐九毫三絲生銅價值比熟銅減二每斤九分五釐九毫有奇各州縣官於紳民交納時按其生熟成色斤兩以所定價值扣算如有姦民銷燬制錢克作廢銅片塊不成器皿物件者發覺日照律治罪其收銅之州縣官不得絲毫扣減價值亦不得以重秤收兌每季將所收銅器斤兩數目報明督撫解交公所該督撫於歲底奏報

其無民欠之省及無民欠之州縣與無舊欠之糧戶并奉天州縣民人若有以銅器交官者均按生熟銅色給與價值將所收銅器存貯公所於歲底奏報如各省地方官有見將已資收買黃銅器皿者着解交公所該管官即按生熟銅斤兩給與價值倘地方官不遵

諭旨借捐買名色以賤價收買民間銅器者該督撫即

指名題參照例議處○十三年

諭國家錢法關小民日用之需必使流通充裕方能足用阜民乃每年鼓鑄而錢不加多京城之中康

熙錢文甚少此必姦徒暗行銷燬之故也我

皇考惠愛斯民留心錢法屢頒

諭旨嚴飭內外官員察拏盜銷之弊而目下仍然錢少

價昂則有司奉行不力顯然可見將此通行曉諭凡京城內外各該地方官務必密緝嚴拏勿稍疎縱倘仍視為具文發覺之日必將該管官重加處分不稍寬貸欽此○又定私鑄未成從來比照偽造印信未成律問擬向未著有定例嗣後凡私鑄甫經置造器物尚未鑄錢被獲審實者將起意為首并同夥商謀之人均照偽造印信未成

爲首律杖一百流三千里其湊錢入夥并房主鄰右總甲十家長知情不首者均照爲從減一等律杖一百徒三年不知情者照不應重律杖八十該地方官不實力訪拏經上司察出或別經發覺究明實係尚未鑄造者照預先不行察出例降一級調用○又題準倘有不法姦商專販私錢馱載至數十百串出京貨賣并在京鋪戶人等將錢囤積在家俟價昂始行出售者察拏究治其尋常行旅之盤纏小販之資本不得濫行截索留難如胥役借端生事擾害小民一

經發覺嚴行重處該管各官玩忽不行嚴禁交部議處○又議準江西湖北等處見在行使剪邊錢令各該督撫出示嚴禁不許攙和行使其從前收買在家以文到一月內赴官首明量給官錢半價至一月後經紀鋪戶人家仍敢收買攙和貨賣者若照攙和廢錢行使輕例枷號一月杖一百治罪尚不足以止姦應令嚴加曉諭凡收買剪邊錢攙和貨賣數至十千以上者發黑龍江給兵丁爲奴改發雲貴川廣烟瘴少輕地方不及十千者杖一百流三千里千錢以下

者仍照舊例枷責其並無收買貨賣一時未及交官或數止十文五文難以交官者令交地方保甲歲底彙交地方官毋得行使如行使者照不應重律杖八十該地方官不嚴行收禁以致仍有行使剪邊錢者將奉行不力之該地方官照收禁小錢例失察一次降職一級二次降職二級三次降職三級四次降職四級均準其戴罪限一年內拏獲私鑄一次者還職一級二次者還職二級三次者還職三級四次者還職四級失察五次者降一級調用至不法之徒將錢

剽薄小取銅求利者若仍議以滿杖亦屬太輕應令以文到日爲始如有拏獲者不分首從枷號三月杖一百如將大制錢剪邊打造器具審明確有實據至十干以上者爲首之人照私鑄原律擬絞監候爲從杖一百流三千里房主鄰右總甲十家長知情不首照爲從例治罪所剪錢不及十干爲首之人照燬化小制錢例枷號兩月杖一百發黑龍江給兵丁爲奴改發雲貴川廣烟瘴少輕地方爲從減一等杖一百徒三年房主鄰右總甲十家長知情不首均照爲從

律治罪千錢以下者仍枷號三月杖一百該地方官并各上司不行察拏仍有姦民將制錢剪邊燬化至十千以上者州縣吏目典史等官一起降三級調用二起革職知府直隸知州同知通判等官一起降二級二起降四級均調用三起革職司道一起降一級二起降二級三起降三級均調用四起者革職巡撫一起降一級二起降二級三起降三級均留任四起降四級調用五起革職如剪邊燬化不及十千者州縣吏目典史等官一起降二級二起降三級均調用

至三起者革職知府直隸知州同知通判等官一起降一級二起降二級三起降三級均調用至四起者革職司道一起降一級二起降二級三起降三級均留任四起降四級調用至五起革職巡撫一起罰俸一年二起降一級三起降二級均留任四起降三級五起降四級均調用

將銅充作白銅

似有為字

有將銅

充作白銅製造器皿貨賣者一併嚴行禁止其已成者照依生熟黃銅給價交收入官如仍有

律治罪千錢以下者仍枷號三月杖一百該地方官并各上司不行察拏仍有姦民將制錢剪邊燬化至十千以上者州縣吏目典史等官一起降三級調用二起革職知府直隸知州同知通判等官一起降二級二起降四級均調用三起革職司道一起降一級二起降二級三起降三級均調用四起者革職巡撫一起降一級二起降二級三起降三級均留任四起降四級調用五起革職如剪邊燬化不及十千者州縣吏目典史等官一起降二級二起降三級均調用

至三起者革職知府直隸知州同知通判等官一起降一級二起降二級三起降三級均調用至四起者革職司道一起降一級二起降二級三起降三級均留任四起降四級調用至五起革職巡撫一起罰俸一年二起降一級三起降二級均留任四起降三級五起降四級均調用至六起革職如數止千錢以下者州縣吏目典史等官降一級留任○又覆準嗣後如有將銅充作白銅製造器皿貨賣者一例嚴行禁止其已成者照依生熟黃銅給價交收入官如仍有

犯者亦照例治罪○又覆準各鋪古銅器皿除實在遠代銅器及紅銅白銅打造者不禁外其有將黃銅裝飾捏稱古器貨賣者令各鋪戶自行呈首定限一年盡數交官照例給價如限滿隱匿不交察出照私賣黃銅器皿例加等治罪地方官不能察訪別經發覺將失察之官照例議處○乾隆元年奏準停止收銅禁銅之令民間買賣聽從其便○十年奏準湖北行使之錢除剪邊嚴禁外如有沙板錘偏鉛錢古錢俟該省制錢充裕之後再行定議察禁○十四年

奏準洋船有將紅黃銅器私販出口圖利者百斤以下為首者杖一百徒三年百斤以上發邊衛充軍為從及船戶各減一等貨物及銅皆入官闕汎文武官并不搜檢察拏者革職知情賄放者計贓從重論失覺察者降一級調用○十五年覆準凡各省拏獲私鑄之犯不論砂壳銅錢為首及匠人皆擬以斬候為從及知情買使者皆發遣為奴如受些微僱值挑水打炭燒火暨停工散局之後貪其價賤偶為買使以及房主鄰右總甲十家長知而不拏獲舉首者皆照

爲從發遣罪減一等杖一百徒三年其房主人等並不知情但失於覺察亦皆杖一百或有空房別舍誤借匪人一有見聞立即驅逐未經首捕者果係並未在場亦非受賄容隱仍止照不知情科斷失察各官均交部分別議處官船戶夾帶私錢應照偶爲買使例定擬同船之人知情不舉首者照不應重律治罪押船官交部分別議處若拏獲銷燬制錢之犯審明將爲首者擬以斬決家產入官爲從者絞決該地方官有能拏獲私銷者地方官交部議叙失察者地方

官暨該管上司交部分別議處至於房主鄰右總甲人等知情受賄代爲隱匿者照爲從例治罪如但知情不行首告並未分贓者照爲從例減一等杖一百流三千里其並未知情止於失察者皆杖一百旁人首捕審實者官給賞銀五十兩再私鑄之犯容有即係私銷之人該督撫拏獲私鑄案犯必先嚴究有無銷燬倘有私銷確據即照私銷例從重治罪

國



